

L'progrès, ch'est du pipeau !

(Sur l'air de " Allo Maman bobo " ...)

J'pinse tout seu, j'essaie d'pas m'mette in colère.
 Dins m'tchiête, i a comm' ein cratère.
 I a toudis quette cosse qui m'donne invie d'braire.
 Dins m'tchiête, i faut qu'cha s'libère.
 V'là qu'cha m'pique toudis comm'ches ortiles.
 Faut qu'cha sorte, mais ch'est pas facile...

L'progrès, ch'est du pipeau !
 Ches z'humains, i n'ont rin dins l'ciboulot !
 L'progrès, ch'est du pipeau !

J'aros quère qu'tertous in faiche ed'z'efforts.
 In est pus conquistador !
 Quand qu'ch'est qu'in va s'mette à consommer moins ?
 Faut pas rester dins sin coin !
 In n'dot pus marcher dins ches ortiles !
 In l'sait tous qu'cha s'ra pas facile...

L'progrès, ch'est du pipeau !
 Faut protéger ches insecques, ches oziaux !
 L'progrès, ch'est du pipeau !

Mi, pis m'finme, cha fait chinquante ans qu'in s'bat.
 J'peux pas sentir ches rapiats !
 In n'a jamais rin jech'té sus ch'trottoir !
 Mais tout partout ch'est l'foutoir !
 Ouais, j'esplique cha à ches agozils
 Euqu'ch'est pas ein pichon d'avril.

L'progrès, ch'est du pipeau !
 Qu'te seuches ch'timi, marseillais, parigot,
 L'progrès, ch'est du pipeau !

I n'a qui font d'z'efforts, d'autes qui s'in foutent.
 Et ti te fais quo, biloute ?
 Allez, tertous, à ch't'heure, in dot s'y mette
 À protéger note planète !
 Qu'in seuche à l'campane obin in ville,
 Dins note soupe, in mettra d'z'ortiles...